



Stichting Maneho di Aruba su Carnaval

Weststraat 7 Unit 6
Infosmacaruba@gmail.com
f smacaruba

Criteria pa puntuacion di

Aruba su Carnaval 2019

Presenta door di Team Hurado Smac

Roadpiece – Mini roadpiece – Body road

Criteria pa puntuacion:

1. Mostra e tema claramente / representa su creacion
 2. Tin e nomber di e creacion/ tema riba dje
 3. Ta bon acaba tanto dilanti y patras. (no rastro di lijm, no ta wak hero etc.)
 4. Creatividad ta un plus punt grandi (obra di man p.e. appliqué traha na man, 3D dus no plat pero cu elevacion)
-

PREMIO

Luhuso : - Criteria 1-4
- Ta un piece sumamente bunita y luhuso

Campeon: - Criteria 1-4
- Ta un piece bunita y impresionante. (no necesariamente luhuso of grandi)

Roadpiece: *Ta un creacion carnavalesco riba 3 of mas wiel. Un of mas participante ta lastra/ranca esaki. Tambe por para riba e roadpiece. E participante(nan) mester ta e figura(nan) principal di e roadpiece. Depende di e grandura ta permiti maximo 6 persona disfrasa/bisti na e tema, pa yuda pusha e roadpiece. (No jeans, no t-shirts)*

Mini Roadpiece: *Ta un creacion carnavalesco riba 3 of mas wiel. Un participante ta lastra/ranca esaki. E participante mester ta e figura principal di e roadpiece. No ta permiti ningun hende yuda pusha e Mini Roadpiece*

Bodyroad: *Ta un creacion carnavalesco ariba 2 of mas wiel. E participante ta trek/lastra e bodyroad cu su **CURPA** sin haci uso di su mannan, sea e ta den un harnas of e ta faha na su piece. NO ta necesario nomber di creacion / tema. Participante **HUNTO** cu su creacion ta forma un “**GEHEEL**”, dus un piece completo*

Body- y Shoulderpiece

Criteria pa puntuacion:

1. Mostra e tema / creacion claramente
 2. Por tin e nomber di e creacion/ tema riba dje
 3. Ta bon acaba tanto dilanti y patras. (no rastro di lijm, no ta wak hero etc.)
 4. Creatividad ta un plus punt grandi (obra di man p.e. appliqué traha na man, 3D dus no plat pero cu elevacion)
 5. Mester por carga e piece complete durante henter parada
-

PREMIO

Luhuso : - Criteria 1-5
- Ta un piece sumamente bunita y luhuso

Campeon: - Criteria 1-5
- Ta un piece bunita y impresionante. (no necesariamente luhuso of grandi)

Bodypiece: *Ta un creacion carnavalesco cu ta wordo **CARGA PA E PARTICIPANTE**. E mester tin un haltura minimo di 51 cm/20 inch midi for di e schouder di e participante bay ariba sin conta pluma aden. E hanchura ta keda na gusto di e participante. E participante mester ta na pia y **no mag** di uza wiel of taira. Si parti di e Bodypiece ta mishi cu e caminda e ta keda un body piece.*

Shoulderpiece: *Ta un creacion carnavalesco di hero of aluminium cu ta wordo **carga pa e participante riba su schouder**. E shoulderpiece no mag di pasa e cabez (sin headpiece) di e participante. Pluma no ta conta aden. E hanchura ta keda na gusto di e participante. E piece ta papia pa su mes "**shoulderpiece**", dus no mag di tin ningun otro construccion di hero of aluminium extra riba dje. Den e lomba di e piece mag di tin un decoracion (explosion) di pluma of boa. **NO** por hasi uso di cabuya, waya etc pa juda carga e piece.*

Carosa - Flota

Criteria pa puntuacion:

1. Ta bon acaba
 2. Tin nomber di e tema/ creacion bon visibel riba dje
 3. Haci uzo di un vehiculo **decora** cu un toque carnavalesco (preferibel) den e mesun tema
-

PREMIO

Luhoso :- 1 - 3

-Ta sumamente bunita y luhoso (no necesariamente grandi)

Campeon :- 1 - 3

- Ta impresionante y ta muestra un creatividad grandi

Carosa: *Ta un creacion carnavalesco completo riba wiel/taira cu ta move/core riba su mesun forza of un otro vehiculo ta touw e. E mester tin un of mas Reina/Persona disfrasa riba dje. E carosa mester representa e tema di e grupo / of un otro tema claramente. E tema por ta uno Comercial of Comico*

Flota: *Ta un creacion carnavalesco completo riba wiel/taira cu ta move/core riba su mesun forza of un otro vehiculo ta touw e. E flota y e costume di e personanan riba dje mester representa e tema di e grupo / of un otro tema claramente. E tema por ta tambe uno Comercial of Comico. E flota mester ta bon acaba.*

Best Road show: *Ta e grupo di baile perteneciendo na un grupo di carnaval, consistiendo di minimo 6 persona uniforma cu un creacion carnavalesco, cu ta muestra un bunita coreografia durante henter e parada.*

Dancing King and Dancing Queen

Ta e participante Masculino of Femenino cu durante e paradanan di San Nicolas y Oranjestad a expresa y transmiti un alegria grandi presentando su creacion. Participante **NO** necesariamente mester tin un piece(shoulder,body etc).

Tur participante den parada di Carnaval por bin na remarke di e premio aki.

Por tin un Dancing King y Queen pa e paradanan (infantil y grandi)

King and Queen of Band

*Mester ta e participante cu ta e figura principal di un Bodyroad, Bodypiece, cu realmente a sobresali door di su grandesa y bunitesa. E mester ta algo **SUPER** espectacular un combinacion perfecto entre e pieza y su maestro mustando claramente su tema/creacion. Akinan lo tene na cuenta e Creatividad, Uzo di color, Obra di man y e Impacto visual di e creacion. E participacion di e figura principal ta hopi importante. E figura principal mester biba cu e creacion. E creacion aki mester a destaca pa su bunitesa y luho. E **MESTER** a participa tanto na San Nicolas como na Oranjestad. Esaki ta un **MUST**.*

E participante y e pieza mester a cay den su totalidad na gusto di e mirones.

Por tin un King y un Queen of Band pa e paradanan (infantil y grandi)

Banda Carnavalesco Campeon

- E banda mester:
- 1. Participa na **TUR** parada di Carnaval, organisa pa SMAC
 - 2. Ta uniforma,cu un costume **Carnavalesco**
(preferiblemente den e tema di e grupo)
 - 3- Logra cu su musica un animacion total pa su grupo di carnaval

Otro premionan:

Comercial, Cultural, Creativo, Incentivo, Inovativo.

E premionan aki ta ser otorga na un Roadpiece, Carosa, Seccion of individualnan.

Ambiente, Comico, y Cultural. E premionan aki den principio ta premiacionnan pa e grupo.

Seccion

Criteria pa puntuacion:

Seccion Luhoso:

1. Representa e tema/ creacion claramente
2. Ta sumamente luhoso y bunita
3. Ta bon acaba (no tin rastro di lijn, no ta wak hero etc.)
4. Tin sapato(nan) mescos dorna y aseccionan ta complementa e disfraz

Seccion Campeon:

1. Representa e tema/ creacion claramente
2. Ta bunita (no necesariamente luhoso of grandi)
3. Ta bon acaba (no tin rastro di lijn, no ta wak hero etc.)
4. CREATIVIDAD ta un plus punt grandi (obra di man p.e. aplicación traha na man 3D dus no plat pero cu elevación) punto adicional lo wordo duna pa sapato(nan) mescos dorna y aseccionan cu ta complementa e disfraz.

Seccion:

Ta un grupo consistiendo di 8-20plus carnavalista/participante no necesariamente ta acompañando un Roadpiece, tampoco ta pertenece na e masa. Nan mester ta cargando un shoulderpiece ,bodypiece of otro.

Seccion di Mucha:

Ta un grupo consistiendo di 6-20plus carnavalista/participante no necesariamente ta acompañando un Roadpiece, tampoco ta pertenece na e masa.

Nan mester ta cargando un shoulderpiece ,bodypiece of otro.

MASA

Criteria pa puntuacion:

Masa Campeon

E Masa mester:

- 1. Representa e tema claramente, esaki por ta comercial of comico
- 2. **Ta UNIFORMA** 5 diferente diseño pa e ser masculino y femenino
 - **Tela di tur diseño mester ta igual**
 - **Mester identifica 1 uniformidad den mayoría. (e.g.saya, carson, shimis,short)**
 - **Headpiece di tur participante mester ta igual**
- 3. Ta bunita y bon acaba conforme e tema di e grupo, aki ta tene **hopi** na cuenta detayenan di e participantenan p.e sapatonan dorna y den uniformidad di color, make- up, asecorionan cu ta pas cu e costume
- 4. Participantenan mester mantene nan costume completo for di comienzo te final di parada bisti.

MASA: *Ta un grupo consistiendo di no menos cu 100 participante. Masa ta e grupo cu ta generalmente na final di un grupo, patras di e banda.*

Masa di Mucha: *Ta un grupo consistiendo di no menos cu 35 participante. Masa ta e grupo cu ta generalmente na final di un grupo, patras di e banda.*

ANOTACION IMPORTANTE :

Masa:

Team Hurado su meta **primordial** ta pa traha hunto cu lidernan di grupo pa asina yega na un criteria di puntacion cu ta factibel pa nan participación. No obstante e meta **principal di nos criterionan** ta pa mantene Aruba su Carnaval riba ranking/ evaluacion International. Pa e motibo aki e criteria aki (**Masa**) lo wordo re-evalua cada aña.

GRUPO DI AÑA

Criteria pa puntuacion:

E grupo mester:

1. Participa tanto na paradanan di San Nicolaas y Oranjestad
2. Presenta su TEMA bon cla riba caminda
3. Tin minimo un Roadpiece, un Seccion (Body-, Shoulderpiece of otro)
4. Tin un Carosa bunita acaba.
5. Ta impresionante y Impactante den su totalidad (disciplina)
6. Ta bunita y bon acaba
7. Grupo mester tin un reina na su representacion.
8. Grupo tin por lo menos **150** participante **total**. (**Parada di Adulto**) (Si e grupo a participa activamente na e programa di SMAC esaki lo ta un plus punt na momento di evaluacion pa grupo di aña)
9. Grupo tin por lo menos **45** participante **total**. (**Parada di Mucha**) (Si e grupo a participa activamente na e programa di SMAC esaki lo ta un plus punt na momento di evaluacion pa grupo di aña)

ANOTACION IMPORTANTE :

- Team hurado ta tuma bienestar y cuido di nos muchanan hopi na serio y pa es motibo aki ta cuminsa premia nos muchanan **como individuo** (persona) na e edad di 5 aña
- Team di hurado por duna un premio cu no ta fiha, si acaso algo resalta den e Carnaval.

=====